

# 50 Joer Briddeler Schoul

Wann ech deemools schonn an der Kopleschter Gemeng - a méi genee um Briddel - gewunnt hätt, da wier ech och ee vun deene gewiescht, déi am Hierscht 1960 fir d'éischt an d'Briddeler Schoul gaange sinn. Bal hätt ech geschriwwen: déi an deer fonkelneier Schoul an de Bänke souzen. Mee d'Kanner vun deemools - haut gestanen Dammen an Hären tëscht Mëtt fofzeg a Mëtt siechzeg - wëssen, datt dat op d'mannst fir déi puer éischt Deeg net ganz richtig war. Et waren nach guer keng Bänken do, an och keng Schief a kee Pult. Och ronderëm d'Gebai war nach laang net alles fäerdeg.

Awer den Här Flener, zënter 1934 Schoulmeeschter zu Koplescht, hat säi Kapp duerchgesat. Hie war net derzou ze bréngen, nach ze waarden an dat neit Schouljoer dann eben net um Briddel, mee wéi bis elo, zu Koplescht unzefänken. De Willy, deen ech eelef Joer méi



spéit kenne geléiert hunn, wéi ech als frësch gebakene Schoulmeeschter op de Briddel kوم, huet senge Kolleginnen a Kollegen déi Geschicht méi ewéi eemol verzielt. Dobäi huet hien dann e lussegt Gesicht gemaach an et huet een him ofgesinn, datt et him nach Joeren duerno guttgedoen huet, den Autoritéiten deemools de

*De Willy, sou wéi jiddereen e kannt huet, mat Kostüm a Krawatt ...*

Bass gehalen ze hunn.

Wéi dat sech gehéiert huet, ass den 31. August 1960 d'Schoulgebai ageseent ginn, wann och nëmme provisoersch. Ganzer véier Leit ware bei deer Zeremonie derbäi: den Här Paschtouer Blackes, den Här Buergermeeschter Bintener (dee sech net ze schued war, fir de Weiwaasserkessel ze droen - et war kee Massendinger do), an als Léierpersounen den Här Willy Flener an d'Joffer Gaby Eydt.

An du konnt et lass goen! An zwar net ewéi haut de 15. September, mee ewell den 1. vun deem Mount. D'grouss Vakanz war deemools nach ganzer véierzéng Deeg méi kuerz ewéi haut. An och un de fräie Samschden huet déi Zäit mol keen am Dram geduecht; dee kوم eréischt vill méi spéit, an den 90er Joeren.

Wéi d'Kanner déi éischt Deeg ouni Miwewele verbruecht hunn a wat si soss nach aus deer Zäit an Erënnerung hunn, kënnt Der am Interview hei hannendru liesen, dat d'Lise Linster mat e puer vun deene fréiere Schoulkanner gemaach huet: Brideler Schule 1960.

Dat éischt Joer waren nëmmen zwou Léierpersounen do, den Här Flener an d'Joffer Eydt. Mee Kanner gouf et der méi ewéi genuch: 80 Stéck am ganzen, verdeelt op 7 Schouljoeren! Si hu vun elo un net méi bräichten zu Fouss vum Briddel erof op Koplescht ze trëppelen an no der Schoul dee géie Stouss erop nees zrëck op de Briddel. (Dat hu just nach déi aus dem 8. Schouljoer misse maachen, well déi Klass war nach ëmmer zu Koplescht.)

Ëm déi véierzeg Kanner an enger Klass, dat kann ee sech haut bal net méi virstellen. An déi waren och nach net am selwechten Alter, mee verdeelt op déi verschidde Schouljoeren.

Hei d'Klasseverdeelung vum Hierscht 1960: (Eng Spillschoul gouf et deemools

weder um Briddel nach zu Koplescht - déi kouw eréischt 1965!):

W. Flener: 38 Kanner: 3. Schouljoer (Jongen); 4. Sch. (Jongen a Meedercher); 6. Sch. (Jongen a Meedercher); 7. Sch. (Jongen).

G. Eydts: 42 Kanner: 1. Sch. (Jongen a Meedercher); 2. Sch. (Jongen a Meedercher); 3. Sch. (Meedercher); 5. Sch. (Jongen a Meedercher); 6. Sch. (Meedercher).

Schon dat Joer duerno koum eng nei Joffer bäi. Mat elo 90 Kanner, déi um Briddel an d'Schoul gaange sinn, wier et mat zwou Léierpersounen net méi duer gaangen, och wann déi Zäit dat Wuert "Disziplin" nach eng aner Bedeitung hat ewéi haut.

Den 10. September 1961 war dann dee groussen Dag: d'Briddele Schoul ass - des kéier offiziell a feierlech - ageweit ginn. Bei schéinstem Hierschtwieder konnt de Buergermeeschter, den Här Robert Bintener, eng ganz Rëtsch Eiergäscht begrëissen. Un éischerter Plaz wieren do ze nennen den Inneminister, den Här Pierre Grégoire, de Generalvikar Mgr. Jean Hengen als Verrieder vum Här Bëschof, den Distriktskommissär, den Här Ernest Wurth, an de Schoulinspekter, den Här Nic. Stoffel. Donieft haten och eng Rei Deputéiert a Buergermeeschteren, virun allem aus den Nopeschgemengen, de Wee op de Briddel fonnt. Den Här Robert Heintz, den Architekt, deen d'Pläng vun der Schoul gezeichnet hat, soll hei net vergëss ginn.

A senger Ried ass de Buergermeeschter op d'Geschicht vum Bridel, déi stiirmesch Ëntwécklung an de leschte Joeren, déi gudd Zesummenaarbecht mat de staatlechen



Die Ehrengäste und im Hintergrund die Notkapelle

*Vill Prominenter, an och vill Awunner aus der Gemeng, ware bei der Aweiung derbäi (Foto aus: 700 Jahre Geschichte Kopstal-Bridel)*

Autoritéite grad ewéi mat allen, déi um Bau bedeelegt waren, agaang. De Schoulinspekter huet d'Bedeitung vum Schreiwen a Liesen fir d'kulturellt Liewen ervirgehuewen an huet op d'Roll vun der Schoul am Duerf higewisen.

Aus dem Minister Pierre Grégoire senger Usprooch huet am "Wort" vum 11.09.1961 de P.W. dat hei zitéiert:

"Schule ist heute nicht mehr Zwang oder Drill, sondern Ruhe, Rast und Spiel. Das kommt nicht nur in den pädagogischen Methoden zum Ausdruck, sondern auch in der Konzeption der Schulneubauten. Die Säle sind keine Zellen mehr, sondern liegen zur Sonnenseite direkt am Spielhof. Die Jugend soll im Spiel, mit Lust und Liebe lernen und unterwiesen werden. Diese Auffassung sei klar im Schulbau auf Bridel zu erkennen, der ganze Bau sei ein Protest gegen Schulzwang und Schuldrill. Es kommt heute nicht mehr darauf an, Vielwaiser und Frühwaiser heranzubilden, vielmehr muss die Entwicklung des jungen Menschen in die rechten Bahnen gelenkt werden. Selbständiges Denken ist